

Ե. Մ. Խալեյան

ՀԱՅՐԵՆԱԿԱՆ ԱԵԾ ՊԱՏԵՐԱԶՄԻ ՀԱՅ ՊԱՐՏԻԶԱՆՆԵՐԸ

Հայրենական Մեծ պատերազմում ֆաշիստական զավթիչների դեմ սովետական ժողովրդի տարած պատմական հաղթանակների մեջ մեծ է եղել Նաև պարտիզանական շարժման դերը:

Հայրենական պատերազմի շրջանում օկուպացված շրջանների սովետական հասակավոր բնակչության մեծ մասը կամ անմիջապես դադարում էր պարտիզանական ջոկատներում, կամ ակտիվ կերպով աջակցում էր ընդհատակյա հակաֆաշիստական պայքարին:

Ամենուրեք հողը այրվում էր ֆաշիստական օկուպանտների ոտքի տակ: Վերածնվեցին ու բազմապատկվեցին քաղաքացիական կոիվների ժամանակվա սովետական պարտիզանների պանծալի տրադիցիաները: Պատերազմի հենց սկզբից ժողովրդի ծոցից, պարտիզանական ու կոմերիտական կազմակերպությունների շարքերից դուրս եկան պարտիզանական ջոկատների ու միավորումների քաջարի հրամանատարներ, որոնց շուրջը համախմբվեցին Սովետական Միության լազմազո ժողովուրդների տասնյակ հազարավոր ներկայացուցիչներ: Բաժանվեցին էլ ասել, որ հենց միայն Ուկրաինայում և Բելոռուսիայում պարտիզանների ընդհանուր թիվը հասավ մոտ կես միլիոնի:

Անմահանալի են Սովետական Միության կրկնակի հերոսներ և գեներալներ Կոլյակի, Ֆեոդորովի, Սովետական Միության հերոս գեներալներ Ռուդնեկի, Կոլյովի, Գերմանի, Վերչիգորայի, Նաումովի ու մյուսների ղեկավարած պարտիզանական միավորումների կատարած պանծալի գործերը: Նրանք տասնյակ հազարավոր կիլոմետրերով մարտական ուժեղ կատարեցին թշնամու խոր թիկունքում, օկուպացված սովետական տերիտորիաներում, իրենց վրա գրավելով թշնամու մեծ ուժեր՝ իրենց ձեռքին պահելով ամբողջ պարտիզանական երկրամասեր: Այդպիսի երկրամասեր գոյություն ունեին Ուկրաինայում, Բելոռուսիայում, Լենինգրադի մարզում, Բրյանսկի ու Սմոլենսկի անտառներում և այլուր:

Պարտիզանները աշակերտվում էին զերմանաֆաշիստական բանակի կենդանի ուժն ու տեխնիկան, նրանց տեղական կազմակերպությունները, խորտակված ռազմական բռններով ու զենքով բարձրագույն գնացքները, խափանում համարումների ու սպառազինության փոխադրումը գերմանա-սովետական ռազմաճակատ: Օկուպացված շրջաններում մասսայականացնում էին Սովինֆորմյուրոյի հաղորդումները Կարմիր Բանակի հաղթանակների մասին, ճամբարներից ազատում սովետական զորիներին, խափանում սովետական մարդկանց Գերմանիա ստրկական աշխատանքի քշելու գործը:

Պարտիզանական շարժման մեջ իրենց ակտիվ մասնակցությունն ունեցան նաև հայ ժողովրդի քաղաքային զավակներ, որոնց ճնշող մեծամասնությունը գերմանական զերությունից իրենց ընդհատակյա հակաֆաշիստական կազմակերպությունների ղեկավարությամբ պարտիզանների մոտ փախած Սովետական Բանակի նախկին մարտիկներ ու սպաներ էին:

Ինչպես բուն Գերմանիայում, այնպես էլ օկուպացված տերիտորիաներում համակենտրոնացման և աշխատանքային ճամբարներում, ազգային լեզուների բատալիոններում բազմաթիվ հայ ռազմագերիներ ընդգրկվեցին ընդհատակյա հակաֆաշիստական կազմակերպությունների մեջ:

Հայ ռազմագերիներից հակաֆաշիստական առաջին կազմակերպության ակտիվ գործիչներից են եղել 113-րդ հրաձգային դիվիզիայի հրամանատար գեներալ-մայոր Քրիստափոր Ալահվերդյանը, Կարմիր Բանակի կադրային սպա, փոխգնդապետ Մուշեղ Մալխասյանը, Բրեստի պաշտպանության ակտիվ մասնակից, գնդի կոմերիտական կազմակերպիչ Սամվել Մաթևոսյանը, Երևանի Մալիխյան պարտիզանների նախկին աշխատակից Ժորա Հարությունյանը և ուրիշներ¹:

Ալահվերդյանը Համմելրուդի ինտերնացիոնալ սպայական ռազմագերիների ճամբարում գեներալ-մայոր Իվան Նյկիտինի, Նիկոլայ Պանասենկոյի և մյուսների հետ միասին դարձավ սովետական ռազմագերիների ընդհատակյա կազմակերպության կոմիտեի անդամ: Նա կազմակերպության մեջ ընդգրկելով մեծ թվով սպաների, նրանց շարունակ հիշեցնում էր, որ իրենց համար ևս պատերազմը դեռ չի ավարտվել: Պայքարը կշարունակեն, չեն արատավորի սովետական սպայի բաժնը կոշումը:

Ալահվերդյանը քանավոր պրոպագանդա էր վարում, գրում էր հակաֆաշիստական կոչեր և կազմակերպության միջոցով տարածում ռազմագերիների մեջ: Խաղաղակյաններին զգուշացնում էր չընկճվել, ծառայության շմտնել ֆաշիստների մոտ, ուժով աշխատանքի կամ ազգային լեզուներ տարվելու զեպքում, դիվերսիաներ կատարել, զենքը ուղղել ֆաշիստների դեմ և միանալ պարտիզաններին:

Գնտապոն շուտով Ալահվերդյանին փոխադրում է Նյուրնբերգյան բանտը, որտեղ 1941 թ. դեկտեմբերին սովետական մի այլ ղեկներալի՝ Ի. Նիկիտինի հետ միասին, ծանր խուշառագույնների ենթարկելուց հետո՝ զնդակահարվում է²:

Հայ ռազմագերիները ընդհատակյա ուժեղ կազմակերպություններ ունեին լեհական քաղաքներ՝ Դիմրիխի, Լոխվիցայի, Կելցի ռազմագերիների ճամբարներում, հայ լեզուների Պուլավայի հավաքակայանում և ուրիշ տեղերում:

Դիվերսիոն ակտիվ գործեր կատարեց Բեռլինի մոտ Վուստրաուի և ապա Սիլեզիայի Հիրշբերգ քաղաքի ճամբարի հայ ռազմագերիների հակաֆաշիստական խումբը, որ ստեղծվել է 1942/43 թթ. պարտիայի անդամ Վադարշակ Առաքելյանի և Զարտո խաչատրյանի նախաձեռնությամբ: Խումբը աստիճանաբար նոր ռազմագերիներ ընդգրկելով իր շարքերում, նրանց միջոցով ընդհատակյա գործունեություն ծավալեց նաև Բեռլինում, Վերին Սիլեզիայում

¹ Այստեղ և հետագայում օգտագործված են Հայկ. ՍՍՌ ԳԱ Պատմության ինստիտուտի Հայրենական Մեծ պատերազմի պատմության կարիքների արխիվի նյութերը:

² Այդ մասին ավելի մանրամասն տե՛ս «Красная звезда» № № 199—202, «գոստոս 1958»:

գտնվող հայ ռազմագերիների մեջ՝ Այդ խմբի ակտիվ անդամներիցն էին՝ Վահան Սարգսյանը, Վաղարշակ Արրահամյանը, Հայկազ Պողոսյանը, Գևորգ Սարգսյանը, Արամ Ավետիսյանը, Ժորա Գևորգյանը, Սերյոժա Հովակիմյանը, Վահրիճ Մարտիրոսյանը (Հայրապետյան), Փափագ Հովհաննիսյանը, Հայկարամ Մարտիրոսյանը, Գարեգին Համբարյանը և ուրիշներ։ Խմբին իր ղուցումներով ու խորհուրդներով ղգալի օգնություն է ցույց տվել սովետական զինեւրալ Ֆ. Մ. Հակինը։

Հիրշբերգի խմբի անդամները, որ աշխատում էին օպտիկական ապակու գործարանում, հաճախակի կոտրելով ու փչացնելով մեքենաները, խափանում էին արտադրությունը։ Նրանք նույնիսկ ստեղծել էին իրենց պրիմիտիվ անլեզալ տպարանը, որի միջոցով բազ էին թողնում հակաֆաշիստական թոուցիկներ ու տարածում ռազմագերիների մեջ։

Խմբի կապերը շարունակ ընդլայնվում են։ Նրանք կապեր են ստեղծում գերմանացի կոմունիստների ու լեհական բանվորական պարտիզայի և օտարերկրյա այլ հակաֆաշիստների ընդհատակյա կազմակերպությունների հետ և մասնակցում ռազմաճակատ դնել ու սպառազինություն փոխադրող զնացքների խորտակելուն և այլ դիվերսիոն ակտերի։

Կազմակերպության առաջադրանքով Առաքելյանը 1944 թ. աշնանը, կարևոր տեղեկություն հաղորդելու համար, լեհաստանի վրայով անցնում է ռազմաճակատի գիծը, միաձուլվում Ուկրաինական Առաջին ռազմաճակատի զորքերին։ 1945 թ. հունվարին նա ռազմաճակատի հրամանատարության նոր առաջադրանքով՝ իր օգնականներով իջնում է թշնամու թիկունքը՝ Նեյորպին քաղաքը և հետախուզական աշխատանք կատարում։ Առաքելյանը այդ աշխատանքի մեջ է ընդգրկում նաև Բեռլինի, Հիրշբերգի և Նեյորպինի ճամբարների իր խմբի անդամներին՝ Վահան Սարգսյանին, Զարտո խաչատրյանին, Գարեգին Համբարյանին, Հայկազ Պողոսյանին, Գևորգ Սարգսյանին, Շուշիկ Ստեփանյանին, Զևարդարդ Դուրուխանյանին և տասնյակ ուրիշների։ Գետապոն, շնայած դավաճանների մատնությանը՝ ձերբակալություններ էր կատարել և գնդակահարել մի խումբ ռազմագերիների՝ Սարգիս խաչատրյանին, Ենոք Պետրոսյանին, ուզբիկ Համզո Ուլուբաևին, ուսա Վյադիմիր Եգորովին, Կազանի թաթար Սերգեյ Մուխամետչին և ուրիշներին, բայց կենդանի մնացած ընկերները խիստ կոնսպիրացիա սահմանելով, շարունակել էին ընդհատակյա պայքարը։ Նման ընդհատակյա հակաֆաշիստական պայքար էր տարվում նաև մյուս ճամբարներում և զենքի ուժով հայ ռազմագերիներից ստեղծված ազգային լեգիոններում։ Ռազմագերիները հարմար առիթներով ֆաշիստական գերությունից մասսայական փախուստներ կատարելով համալրում էին պարտիզանական միավորումների ու ջոկատների շարքերը։ Ի դեպ, հիշենք, որ նրանք անցում կատարում էին ամբողջ զորամասերով, իրենց հետ բերելով զենքեր և այն ուղղում հիտլերականների դեմ։

Պատերազմի սկզբից Ուկրաինայում, Բելոռուսիայում, Բրյանսկի ու Սմոլենսկու անտառներում, Ղրիմում ու Հյուսիսային Կովկասում գործում էին հազարավոր հայ պարտիզաններ։ 1943—1944 թվականների ընթացքում հենց միայն Ուկրաինայի 18 խոշոր պարտիզանական միավորումների ու ջոկատների շարքերում թշնամու դեմ կռվում էին ավելի քան 600 հայ պարտիզաններ։ Սովետական Միության հերոս Վերջիգորայի ղեկավարած Կովպակի անվան Ուկրաինական առաջին պարտիզանական դիվիզիայի շարքերում է գոր-

ծել, հայ պարտիզաններից բաղկացած «Հաղթանակ» վաշտը, որի հրամանատարն էր Երևանի Ստալինյան շրջկոմի աշխատակից Սերգեյ Հարությունյանը։ Հայ պարտիզանների այդ խումբը, մեկ ամբողջ տարի ինքնուրույն գործելուց հետո, 1944 թ. հունվարին միացել է կովպական դիվիզիային, դառնալով նրա վաշտերից մեկը։ Վաշտի սկզբնական կազմում էին գտնվում՝ Բազատ Գալբաստյանը, Հովհաննես Պետյանը, Անտոն Պողոսյանը, Հակոբ Հակոբյանը, Լորիս Ամիրջանը, Սերգեյ Խաչատրյանը, Ալո Ֆահրադյանը, Երվանդ Ղասաբյանը, Արիստակես Կլեկչյանը, Միխայիլ Մխիթրյանը և ուրիշներ։

Վաշտը կովպական միավորման կազմում կատարել է ավելի քան 4000 կիլոմետր մարտական արշավ և աչքի ընկել ռազմաթիվ մարտերում։

Ուկրաինայում ամենախոշոր հայկական ջոկատներից մեկն է եղել նաև 325 ռազմիկներից բաղկացած Ա. Միկոյանի անվան պարտիզանական ջոկատը, որը 1943—1944 թթ. գործել է Սովետական Միության հերոս գեներալ-մայոր Մ. Նաումովի հեծյալ պարտիզանական բրիգադի կազմում՝ ավագ լեյտենանտ Արամայիս Հովսեփյանի հրամանատարությամբ։ Ջոկատի կոմիսարն էր Յուրի Պավլովսկին, պարտկազմակերպիչ Ժորա Բաղդասարյանը, ակտիվ պարտիզան-լեռից են եղել Սուխարիչ Հարությունյանը, Բակունցը, Ազոյանը, Արաջյանը, Վարազդատ Հովհաննիսյանը, Դուրուխյանը, Վերա Հովսեփյանը և մյուսները։ Միավորման կազմում ջոկատը հերոսական մարտեր է մղել Կիևի, Ժիտոմիրի, Կովելի, Լվովի, Լյուբլինի մարզերում։ Գեներալ Նաումովը հպարտությամբ էր նշում, որ «Միկոյանի ջոկատը լավ է հարվածում գերմանացիներին... Նա իմ լավագույն և փառաբանված ջոկատներից մեկն է բրիգադում»։

Հայ պարտիզաններ կային նաև «Կիրովի», «Կլետսկի», «Աշորսի» և Կիրովոգրադի անտառում գործած Վորոշիլովի անվան և մյուս միավորումներում։ Վորոշիլովի անվան ջոկատում փառավոր ուղի են անցել պարտիզաններ Գալուստ Ստեփանյանը (ստորաբաժանման հրամանատար), Թորոսյանը, Հակոբյանը և ուրիշներ։

Ուկրաինական ժողովուրդը մշտապես սիրով ու հարգանքով է հիշում նրանց։ 1955 թ. նոր տարվա առթիվ պարտիզայի Կիրովոգրադի մարզկոմի քառուղար Մարտինովը Գալուստ Ստեփանյանին ուղարկած շնորհակալական հեռագրում գրել է. «Կիրովոգրադի աշխատավորները սրբությամբ են մեծարում ցեղանա-ֆաշիստական օկուպանտների դեմ անձնվիրաբար պայքարած պարտիզանների հիշատակը ընդհանուր թշնամու դեմ մղված պայքարում։ Ռուս, ուկրաինացի, հայ և մյուս ժողովուրդների լավագույն զավակների թափած արյունը ավելի ամրապնդեց Սովետական Միության ժողովուրդների լենինյան բարեկամությունը»։

Քելոդուսական պարտիզանների շարքերում՝ իրենց ակտիվ պայքարով մեծ համրավ հանեցին Գևորգ Դեմուրյանը, Նիկոլայ Վահանովը, Գրոդնո քաղաքի ընդհատակյա կազմակերպության հիմնադիրներից Գուրգեն Մարտիրոսյանը, Բրեստի ամրոցի նախկին պաշտպաններից Սամվել Մաթևոսյանը և ուրիշներ։

Պարտիզանական կռվի մեջ հերոսի մահով զոհվեցին Կովպակի և Նաումովի միավորման բազմաթիվ հայ ռազմիկներ։ Գեներալ Վերշիգորալ առանձին սիրով խոսելով նրանց մասին գրել է. «Ուկրաինայի և Քելոդուսի տափաստաններում հայերը պաշտպանում էին մեր ընդհանուր գործը... պայքարում հերոսի մահով ընկան ընկ. ընկ. Մաթևոս Խաչատրյանը, Սամսոն Մաթևոսյանը,

Գևորգ Օհանյանը, Ռաֆիկ Սահակյանը, Ժորա Հարությունյանը, Միքայել Գրիգորյանը, Սուխարիչ Հարությունյանը և ուրիշներ:

Ուկրաինական հողը թող թեթև լինի նրա՛նց վրա...»:

Թշնամու ձեռքն ընկան և գեստապույի կողմից գնդակահարվեցին Ղրիմի ակտիվ հայ պարտիզաններից Սուրեն Պողոսյանը, Աշոտ Հայրապետյանը, Սինֆերոպոլի ընդհատակի կազմակերպություններից՝ Հրաչուշ Մխիթարյանը, որո հակաֆաշիստական թռուցիկներ էր տարածում, պարեն ու զինամթերք էր մատակարարում պարտիզաններին, մասնակցում էր գնացքների խորտակելուն և այլ դիվերսիոն գործողություններին:

Մեծ թվով հայ պարտիզաններ փառավոր գործողություն հանդես բերին Լենինգրադի և Կալինինի մարզերում, Սովետական Միության հերոս Գերմանի սինվան պարտիզանական 3-րդ բրիգադում: Բրիգադի 41-րդ ջոկատը կազմված էր հայ ռազմիկներից, որի մարտական հրամանատարն էր կադրային սպա Արտեմ (Հարություն) Սաղումյանը: Մարտերում իրենց խիզախություններով աչքի են ընկել Մ. Մկրտումյանը, Ս. Օգանովը, Ժ. Ավչինյանը, հերոսի մահով զոհված Զավեն Համբարձումյանը և ուրիշներ:

Ջոկատը 1943 թ. մարտի 1-ից մինչև 1944 թ. մարտի 14-ը ոչնչացրել է 2004 հիտլերական զինվոր ու սպա, խորտակել է 25 էշելոն, ջախջախել 73 ավտոմեքենա, 27 մոտոցիկլետ, 15 ավտոբուս, պայթեցրել Լրկաթգծեր, ոչնչացրել մեկ ֆաշիստական կայազոր և այլն:

Հայ պարտիզանները միայն գերությունից փախած ռազմիկները չէին. կային նաև մեծ թվով պարտիզայի հանձնարարություններ թշնամու թիկունքում աշխատանքի գործուղված և կամավոր կերպով պարտիզանական շարժման մեջ ընդգրկված սովետական հայրենասերներ:

Պարտիզայի առաջադրանքով Բելոռուսիայի և Լենինգրադի մարզերում պարտիզանական միավորումներ կազմակերպողներից մեկն է եղել Սովետական Միության, իսպանական և Զինուստանի քաղաքացիական կռիվների մասնակից, Հայրենական պատերազմի մի շարք ռազմաճակատների ռազմական խորհրդի անդամ, գեներալ-մայոր Հայկ Թումանյանը: Կրասնոդոնի «Երիտասարդ զվարդիա» ընդհատակյա կոմերիտական կազմակերպության ակտիվ անդամներից էն Մայա Պաղլևանովան և Ժորա Հարությունյանը: Մայան կազմակերպության անդամների հետ ձերբակալվեց, բայց նա մինչև իր վերջին շունչը հավատարիմ մնաց հայրենիքին և երդմանը: Նրան իր մյուս ընկերների հետ միասին գեստապոն ծանր խոշտանգումների ենթարկելուց հետո գնդակահարեց: Մայան հետմահու պարգևատրվեց Հայրենական պատերազմի առաջին աստիճանի շքանշանով: Կամավոր պարտիզաններից էր Մերձբալթիկայում գործած Մանավաղ Հասրաթյանը, Բելոռուսիայում գործող հայ պարտիզաններից՝ Կարմիր դրոշի շքանշանով պարգևատրված Գևորգ Դեմուրյանը, 208-րդ պարտիզանական գնդի շտաբի պետ գնդապետ Վահագն Հայրապետովը, Կարմիր աստղի շքանշանով պարգևատրված Նիկոլայ Վահանովը և ուրիշներ:

Պատերազմի ընթացքում Գերագույն Գլխավոր հրամանատարության և պարտիզանական կենտրոնի կապը պարտիզանական միավորումների հետ իրականացվում էր ավիացիայի միջոցով: Այդ կապի համար առանձնացված էին հեռավոր թռիչքի խիզախ և հմուտ շոգաշուններ: Այդ խիզախների մեջ կային նաև հայ օդաշուններ՝ Ռաֆայել Գարրիբյանը, մայոր Աշոտ Գասպարյանը, կապիտան Գարեգին Բաղդասարյանը, որոնք հաղթահարելով անասելի դժվար

ոռոթյուններն ու վտանգ, ռազմամթերք ու հրամանատարական կադրեր էին հասցնում Կովպակի, Նաումովի, Կոզլովի և մյուս միավորումներին, բուժվելու համար «Մեծ երկիրը» էին փոխադրում վիրավոր պարտիզաններին: Օկուպացված սովետական տերիտորիաները ողողում էին ագիտացիոն գրականությամբ ու թերթիկներով: Նրանք բոլորն էլ պարզևստրվեցին պարտիզանական առաջին աստիճանի մեղալուծ ու այլ շքանշաններով:

Այսպես, ողջ սովետական պարտիզանների հետ միասին մարտական փառքի ուղի անցան նաև հազարավոր հայ պարտիզաններ, որոնք 1944 թ. աշնանից սովետական տերիտորիայի ազատագրվելուց հետո, համալրելով Կարմիր Բանակի շարքերը, մասնակցեցին Ֆաշիստական Գերմանիայի և ճապոնական իմպերիալիստների վերջնական ջախջախման ճակատամարտերին:

Ֆաշիստական զավթիչների դեմ մղած պատերազմում անմասն չմնացին նաև սփյուռքահայերը: Նրանք հայրենասիրաբար պաշտպանելով իրենց Մայր Հայաստանը, միջոցներ հավաքեցին «Սասունցի Դավիթ» և «Բաղրամյան» տունկային շարասյուներ կառուցելու համար: Նրանցից շատերը զենքը ձեռքին ֆաշիզմի դեմ կռվեցին դաշնակիցների բանակներում, պարտիզանական ջոկատներում, պայքարեցին ֆաշիզմին ծախված դաշնակցության դեմ: Հակաֆաշիստական պայքարի ղրոշակակիր դարձավ կոմունիստ բանաստեղծ Փարիզի «Ենտերնացիոնալ» պարտիզանական ջոկատի արիասիրտ հրամանատար, 1944 թ. փետրվարին գեստապոյի կողմից գնդակահարված Միսաք Մանուշյանը:

«Հայ ժողովուրդը իրավունք ունի հպարտանալու Մանուշյանի խմբի հերոսներով,— գրել է Ֆրանսիայի Կոմպարտիայի Կենտկոմի քարտուղար Ժակ Դյուկլոն,— նրանց պանծալի սխրագործությունը չի մոռացվի և մենք մեծ պոետ Վիկտոր Հյուգոյի հետ միասին կարող ենք այդ հերոսներին ասել «մեռածներ» ինչպես ողջերը, մասնակցում են մեր մարտերին»:

Ֆրանսիայում դիմադրական ուժերի հակաֆաշիստական պայքարի մեջ ակտիվ գործունեություն ցուցաբերեցին մեծ թվով ֆրանսահայ կոմունիստներ, ինչպես Շահեն Տատուրյանը, Մելինե Մանուշյանը, Նոյեմ Հարությունյանը, Սիրաք Բաղդասարյանը, Գեղունին, Մարտիկյանը, Տերտերյանը, Լասը (այդ երկուսը գնդակահարվել են գեստապոյի կողմից) և ուրիշներ:

Մեծ թվով հայ պարտիզաններ են մարտնչել ֆաշիզմի դեմ նաև Բուլղարիայի, Հունաստանի, Հարավսլավիայի, Զեխոսլովակիայի պարտիզանական ջոկատներում: Բուլղարահայ աշխատավորությունը հպարտությամբ է հիշում իր 19-ամյա հերոս պարտիզանուհուն՝ Հերմինին («Սաշկային»), որն արիությամբ կռվեց և հերոսի մահով զոհվեց:

Արտասահմանում ֆաշիզմի դեմ մղվող պայքարում մեծ և փառավոր ուղի է անցել նաև օկուպացված Ֆրանսիայի հարավում գործող սովետական պարտիզանների խումբը, որի մեջ մտնում էին Ֆրանսիայում գերմանական համակենտրոնացման ճամբարներից ու ազգային լեգեոններից փախած սովետական հայ ռազմագերիներ:

1944 թվականին ֆրանսիական պարտիզանական խմբերում էին գործում մեծ թվով սովետական հայ պարտիզաններ, գոյություն ունեին նույնիսկ սրանց ինքնուրույն պարտիզանական ջոկատներ: Հարավային Ֆրանսիայում այդպիսի պարտիզանական ջոկատներից մեկը ղեկավարում էր Սովետական Բանակի սպա, Կարմիր դրոշի շքանշանակիր Բարթոլո Պետրոսյանը:

1944 թվականի օգոստոս-սեպտեմբերին սովետական պարտիզաններից կազմվեց Ֆրանսիայում գործող սովետական առաջին պարտիզանական գունդը՝ Գնդի հրամանատար նշանակվեց Սովետական Բանակի կադրային սպա, մայոր Ալեքսանդր Ղազարյանը, հրամանատարի տեղակալ՝ կապիտան Բարթոլոմեոսյանը, կոմիսար՝ Լևոն Տիտանյանը, շտաբի պետ՝ Դավիթ Մինասյանը, գնդում ղեկավար գործիչներիցն էին նաև Ստեփան Յաղչյանը, Հրանտ Հովհաննիսյանը, Վահան Օդանյանը և մյուսները։ Հետզհետե գնդին միացան ֆրանսիական ջոկատներում գտնվող ակտիվ հայ պարտիզաններ՝ Ռուբեն Մանուկյանը, Գրիգոր Մխիթարյանը և շատ ուրիշներ։ 1944 թվականին գունդը արդեն իր կազմում ուներ մոտ 2000 հայ ռազմիկներ։

Ինչպես գերության մեջ գտնվելու ժամանակ, այնպես էլ պարտիզանական յարժման շրջանում նրանք համագործակցում էին ֆրանսիական Կոմյալարտիստի և նրա հայկական սեկցիայի հետ։

Հայ պարտիզանները հիմնականում զինված էին գերմանացիներից խլած զենքով։ Նրանք ձեռք-ձեռքի տված ֆրանսիական պարտիզանների հետ, մարտեր էին մղում ֆաշիստական օկուպանտների դեմ։ Հայ պարտիզանները մարտական մեծ գործողություններ ծավալեցին Գար և Լոզեր դեպարտամենտներում։

1944 թ. օգոստոսի 24-ից մինչև 28-ը գնդի գումարտակներից մեկը Բարդուղ Պողոսյանի հրամանատարությամբ Լաքալմեթի տակ մեծ սխրագործություն կատարեց, նա գիմադրեց գերմանական մի խոշոր գորախմբի, որը նահանջելով Հարավային Ֆրանսիայից, կատաղությամբ ավերում էր ճանապարհին պատահած քաղաքները ու բնաջնջում բնակչությանը։ Բարբարոսական ավերածություններից, մասսայական բնաջնջումից ազատվեցին Ֆլորակ, Ալես, Նիմ, Մանդ և մյուս քաղաքներն ու շատ բնակավայրեր։

Լաքալմեթի քաղաքագլուխ Մարսել Ռոժեն պարտիզաններին ուղղած շնորհակալության մեջ գրում է. «Բնակչությունը տեսավ հայկական խմբի հերոսական պայքարը գերմանացիների դեմ. խումբը կովեց հմտությամբ և համարձակությամբ, սառնասրտությամբ և քաջությամբ իրենց հարյուր անգամ թվով գերազանցող ուժերի դեմ»¹։ «Սովետական ռազմիկները կովեցին առյուծի պես», — գրել է գիմադրական ուժերի կոմունիստ ղեկավարներից Գարրիել Մաբտին։

Այս և մյուս մի շարք մարտերում իրենց անձնական խիզախություններով աչքի ընկան շատ մարտիկներ ու հրամանատարներ՝ Վահան Օհանյանը, Հրանտ Հովհաննիսյանը, Բրեստի պաշտպանության մասնակից Սոս Նուրիջանյանը և շատ ուրիշներ։ Քաջի մահով կոխվեցին ընկան շատ հայ պարտիզաններ։

Ֆրանսիացիները ամենուրեք գրկաբաց էին ընդունում սովետական պարտիզանական գնդի մարտիկներին, նրանց համարելով իրենց ազատարարները։ Ֆրանսիական Կոմունիստական պարտիայի կենտրոնական օրգան «Յումանիսե» թերթը իր էջերում հոգվածներ էր գետնը դնում հայ պարտիզանների մարտական գործողությունների և կատարած խիզախությունների մասին։ Ֆրանսիայի Կոմունիստական առաջին արտահայտելով իր ժողովրդի կամքը, քարծր

¹ Նիմ քաղաքից 12 կմ հեռու Լաքալմեթ գյուղի գերեզմանատանը եղբայրական մի շիրմի վրա արձանագրված է. «Հավերժ փառք Ֆրանսիայի ազատագրման համար ֆաշիզմի դեմ մղված մարտում զոհված սովետական պարտիզանների հիշատակին Վարդանու Պյոտր. 1909—1944 թթ., Բայոնի Նիկոլայ, 1920—1944 թթ., «Պրավդա», 17 դեկտեմբերի, 1959 թ.»

գնահատության արժանացրեց սովետական պարտիզանների ներդրած ավանդը ֆաշիստական օկուպանտների ջախջախման, Ֆրանսիայի ազատագրության գործում:

1960 թ. մարտին հրուշտվել, Ֆրանսիա այցելած ժամանակ, եղավ Նիմում, իր ճառում ասաց. «Ողջուն ֆրանսիական փառապանծ բոլոր պարտիզաններին, որոնց հետ սովետական մարտիկները կողք-կողքի մարտնչել են պարտիզանական ջոկատներում», իսկ Ռեյմս քաղաքում մարտի 29-ին պսակ դրեց զոհվածների շիրիմին և ասաց. «Ես զուխս խոնարհում եմ սովետական այն զինվորների առջև, որոնք փախել են հիտլերյան գերությունից և Ֆրանսիայի պարտիզանների հետ մեկտեղ մարտնչում էին ընդհանուր թշնամու դեմ Ֆրանսիայի հողում երկրորդ համաշխարհային պատերազմի ժամանակ:

Ֆրանսիայի ազատագրումից հետո գունդը հայ և ֆրանսիացի բնակչության մեջ ծավալեց կուլտուր-լուսավորական աշխատանքներ: Բասախոսությունների, երեկույթների միջոցով պարտիզանները նրանց ծանոթացնում էին Սովետական Միության և Սովետական Հայաստանի նվաճումների, ժողովրդի կյանքի հետ: Իրենց ինքնագործ խմբակների միջոցով տարբեր քաղաքներում համերգներ ու ներկայացումներ կազմակերպեցին, որից գոյացած մի քանի միլիոն ֆրանկ դրամը մուծեցին ՍՍՌՄ պաշտպանության ֆոնդին: Գունդը ակտիվորեն աջակցում էր պատերազմի շրջանում գերմանացիների կողմից Ֆրանսիա տարված սովետական քաղաքացիներին հայրենիք վերադառնալու գործին: Վերադարձվեցին 30.000 քաղաքացիներ:

1945 թ. մայիսին Նիմ քաղաքում ֆրանսիական կառավարությունը, դիմադրական ուժերի զորահանդեսում, որին ներկա էին նաև ՍՍՌՄ դիվանագիտական ու ռազմական ներկայացուցիչները, սովետական հայ պարտիզանների գնդին հանձնեց ֆրանսիական մարտական դրոշակ և արծաթյա աստղով պատերազմական խաչ շքանշան: Զորահանդեսում ճառով հանդես եկավ Նվրոպայում ՍՍՌՄ ռազմական միսիայի քաղ. տեղակալ գեներալ Վիխրևը. նա ողջունեց պարտիզաններին՝ հաղթանակների և մարտական դրոշ ստանալու առթիվ:

Գնդի անձնակազմից մի քանի հարյուր հրամանատարներ ու մարտիկներ պարգևատրվեցին ֆրանսիական մարտական շքանշաններով: Գունդը դրոշներ ստացավ նաև լիոնի կոմունիստական կազմակերպություններից և ֆրանսիական պարտիզաններից: 1945 թ. սոցստոսին գունդը որպես Սովետական Բալկանյան մարտական միավորի, զինված վերադարձավ Հայրենիք, իր հետ բերելով մարտական դրոշակներ, որոնք այժմ ցուցադրված են Մոսկվայի Սովետական Բալկանյան կենտրոնական թանգարանում:

Հայ ժողովուրդը հպարտ է իր պարտիզան զավակներով, որոնք Սովետական Հայրենիքի պաշտպանության համար, անձնվիրաբար կռվեցին գերմանական ֆաշիզմի դեմ և իրենց կյանքով ու արյունով արագացրին հաղթանակը: